

Državna regulatorna agencija za radijacijsku i nuklearnu sigurnost, sa sjedištem u ulici Hamdije Čemerlića br 2: 71 000 Sarajevo, ID broj: 4201357350000 (u daljem tekstu Kupac) koga zastupa i predstavlja Direktor Emir Dizdarević

i

UNIVERZITET U SARAJEVU, VETERINARSKI FAKULTET, sa sjedištem u ulici Zmaja od Bosne 90, 71 000 Sarajevo, ID broj: 4200228330004 (u daljem tekstu Izvršilac) koga zastupa i predstavlja direktor prof.dr. Nihad Fejzić.

Na osnovu Odluke broj: 04-16-15-1384/16 ugovorne strane zaključuju :

UGOVOR

o nabavci usluga izrade Projektnog zadatka za snimanje stanja životne sredine na mjestima djelovanja sa osiromašenim uranijumom

Član 1.

Ovim Ugovorom, ugovorne strane su se sporazumjele da će Izvršilac posla, tokom cijelog ugovorenog perioda izvršiti usluge po tehničkoj specifikaciji u Prilogu V. tenderske dokumentacije za potrebe Ugovornog organa. Ugovor se zaključuje na osnovu provedenog postupka javne nabavke objavljenog na portalu javnih nabavki broj:1321-7-2-16/16 od 08.12.2016. godine.

Sastavni dio ovog Ugovora je prihvaćena Ponuda Izvršioca broj: 05-20-832-1/16 od 14.12.2016. godine, sačinjena prema Specifikaciji iz tenderske dokumentacije.

Član 2.

Ugovor se zaključuje po okončanom postupku javne nabavke potpisivanjem ugovornih strana, a primjenjuje se od datum potpisivanja Ugovora do 20.02.2017. godine.

Ugovor se primjenjuje za jednokratnu isporuku usluga po zahtjevu Naručioca.

Ukupna vrijednost Ugovora ne može biti veća od 6 739,20 KM sa uračunatim PDV-om.

Član 3.

Na osnovu ovog Ugovora, ugovorne strane za nabavku usluga izrade Projektnog zadatka za snimanje stanja životne sredine na mjestima djelovanja sa osiromašenim uranijumom zaključiti će Ugovor o međusobnim pravima i obavezama do iznosa i perioda definisanih članom 2. ovog Ugovora.

Isporuka usluga će se vršiti jednokratno započevši najkasnije 5 dana nakon potpisivanja ugovora, a prema dinamici koja je utvrđena tenderskom dokumentacijom odnosno pripremom analiza i okvirnog Projektnog zadatka prema tehničkoj specifikaciji Prilog V . Tenderske dokumentacij najkasnije do 30.12.2016. godine, a dostavljanje finalnog Projektnog zadatka do 15.02.2017. godine.

U slučaju kašnjenja isporuka usluga do kojeg je došlo krivicom odabranog Izvršioca, isti će platiti ugovornu kaznu u skladu sa Zakonom o obligacionim odnosima u iznosu od 1% naručenih usluga, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorne vrijednosti usluga koja je predmet nabavke.

Odabrani Izvršilac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani izvršilac nije mogao uticati niti predvidjeti.

Član 4.

Izvršilac se obavezuje da će uslugu koja je predmet ovog Ugovora isporučivati Naručiocu u skladu sa specifikacijom:

- uslovima iz tenderske dokumentacije i
- uslovima iz prihvaćene ponude.

Član 5.

Za sve što nije regulisano ovim Ugovorom ili pojedinačnim ugovorom sklopljenim na osnovu ovog Ugovora primjenjivat će se odgovarajuće odredbe važećeg Zakona o obligacionim odnosima.

Član 6.

Izvršilac se obavezuje da će redovno vršiti isporuku predmetnih usluga u ugovorenom periodu kako je predviđeno tenderom, u skladu sa potrebama Ugovornog organa. Ugovorni organ je svrstan u „prioritete“ u pogledu isporuke usluga neovisno o situaciji na tržištu.

Član 7.

Osnov za plaćanje ispručenih usluga jesu fakture/računi koje Izvršilac dostavlja ugovornom organu za uredno isporučene usluge, a na osnovu Nacrta Projektnog zadatka za snimanje stanja životne sredine na mjestima djelovanja sa osiromašenim uranijumom koji su potpisani od strane ovlaštenog lica Kupca koji je vršio kontrolu nad uradjenim mjerenjima. Plaćanje na ime isporučenih roba Kupac je dužan vršiti putem JRT Bosne i Hercegovine i to na žiro račun Dobavljača broj: 3389002208310352, kod Unicredit banke, i to u roku od 5 dana od datuma ispostavljanja fakture.

Član 8.

Svi uslovi iz tenderske dokumentacije broj: 04-16-15-1384-2/16 od 08.12.2016. godine čine sastavni dio Ugovora. Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 9.

Svaka od ugovornih strana može otkazati ovaj Ugovor, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

Član 10.

Ovaj Ugovor stupa na snagu danom potpisivanja obje ugovorne strane.

Član 11.

Ugovor je sačinjen u 4 (četiri) istovjetnih primjeraka, od kojih svaka ugovorna strana zadržava po 2 (dva) primjerka, za svoje potrebe.

Izvišilac:

VETERINARSKI FAKULTET
UNIVERZITET U SARAJEVU

Direktor:

Broj: 07-04-28-93

Datum: 28.12. .2016.



Ugovorni organ:

DRŽAVNA REGULATORNA AGENCIJA ZA
RADIJACIJSKU I NUKLEARNU SIGURNOST

Direktor:

Emir Dizdarević

Broj: 04-16-15-1384/16

Datum: 28.12. .2016.

